

提封記第二上

江陰縣誌卷之二

分野

維茲下土上應星躔吳楚之疆候熒惑占鳥  
衡江陰蓋其一也天開縣物各以類應其自  
然之合乎

星野斗牛女 按前漢天文志斗江湖前漢地理  
志吳地斗分野今之會稽九江丹陽豫章廬江廣  
陵六安臨淮郡盡吳分也史記天官書牽牛婺女  
揚州春秋元命苞牽牛流為揚州後漢天文志牽

江陰縣誌卷之二

陸廷相寫  
何應元刊

牛主吳越淮南子湏女吳晉天文志斗牽牛湏女  
吳越揚州

次星紀丑位 按後漢郡國志自斗十一度至婺  
女七度一名湏女曰星紀之次於辰在丑謂之赤  
奮若今吳越分野晉天文志自南斗十二度至湏  
女七度為星紀於辰在丑吳越之分野屬揚州隋  
地理志自斗十二度至湏女七度為星紀吳越得  
其分費直說周易起斗十度蔡邕月令章句起斗  
六度又晉天文志州郡躔次云陳卓范蠡鬼谷先

生張良諸葛亮譙周京房張衡並云會稽入牛一度

麗北斗權星北斗第四星司命下星 按晉天文志斗

四主吳廣雅徐揚二州屬權星史記天官書云權軒較黃龍體前大

星女主象旁小星御者後宮屬又星經云斗之第六星主揚州謂開

陽星也宋史上台為司命又曰上台下星主荆揚

主熒惑鳥衡 按前漢天文志吳楚之疆侯熒惑

占鳥衡史記天官書云衡太微三光之廷筐衡十

左右掖門掖門內六星諸侯其內五星五帝坐又

後聚十五星曰哀鳥即位旁一大星將位也

交州

云南宮朱鳥權衡星經曰熒惑主霍山揚州荊州

地之理盡之於天矣水土人物氣動於地而精

發於天理也仰占俯察側身正事古哲王務之

九州分野其說昉於周官保章氏而司馬子長

天官書班孟堅地理志所分十二次意為近之

鄭康成周禮註謂州中諸國於星亦有分其書

已亡堪輿有郡國所入度東漢及晉志并元命

淮南費蔡陳范輩剖度愈詳稽天愈杳而難曉

况說有錯互乎郡志謂大槩可定者次在星紀  
野在揚郡之所入其細度未詳也江陰可知矣  
宋志做杜佑之意略舉舊文引其端緒而不究  
黃志所修謂宋志略也參考群書備著占驗則  
又兼出而無專指蓋一方小也細分而必之難  
矣茲以分次麗屬與夫占主之星各列于前而  
以占驗節略附之備分野之一體存古保章氏  
之意云

### 斗占驗

漢景帝二年七月丙子火與水晨出於  
東方因守斗占曰其國絕祀十二月水

征縣志卷之二

三

方輿利

火合於斗占曰為萍不可舉事用兵必受其殃  
斗吳也又為粵其三年吳楚七國反漢遣大將  
軍周亞夫敗之吳王亡走粵粵攻而殺之武  
帝元鼎中熒惑守南斗占曰熒惑所守為亂賊  
喪兵守之久其國絕祀南斗越分也其後越相  
呂嘉殺其王及太后漢兵誅之滅其國四年  
七月壬午熒惑入南斗犯第三星斗為揚州熒  
惑犯入之為兵喪其六年九江丹陽賊周生馬  
勉等起兵攻沒郡縣吳赤烏十三年夏五月  
日北至熒惑逆行入南斗秋七月犯魁第三星  
而東按占熒惑入南斗三月吳王死一曰熒惑  
逆行其地死君太和二年吳孫權薨魏太平  
元年九月壬辰太白犯南斗吳志所書也占曰  
太白犯斗國有兵大臣有反者其明年諸葛誕  
反又明年孫繼廢亮吳魏並有兵事晉惠帝  
永康元年五月熒惑入南斗占曰宰相死兵大  
起斗又吳分野是時趙王倫為相明年篡位三  
公與師誅之懷帝永嘉三年填星久守南斗

占曰填星所居久者其國有福是時安東將軍  
琅琊王始有揚土成帝咸康二年九月庚寅  
太白犯南斗因晝見占曰斗為宰相又揚州分  
金犯之死喪之象晝見為不臣又為兵喪其後  
石季龍僭稱大王發衆七萬四年二月自隴西  
攻段遼于薊又襲慕容皝於棘城不克皝擊破  
其將麻秋并虜段遼殺之孝武帝太元十九  
年十二月癸丑太白犯歲星在斗占曰為亂飢  
為內兵斗吳越分至隆安元年王恭等舉兵顯  
王國寶之罪朝廷殺之是後連歲水旱飢周  
武帝建德六年十月癸卯月食熒惑在斗占曰  
國敗其君亡兵大起破軍殺將斗為吳越之星  
陳之分野十一月陳將吳明徹侵呂梁徐州總  
管梁士彥出軍與戰不利明年三月郟公王軌  
討擒陳將吳明徹俘斬三萬餘人隋煬帝大  
業九年丁未熒惑逆行入南斗色赤如血如三  
斗器光芒震耀長七八尺於斗中句已而行占  
曰有反臣道路不通兵大起斗吳越分野玄感

卷之二

四

非昔也

父封於越後徙封楚地又次之天意若曰使熒  
惑句已之除其分野至七月宇文述討平之其  
兄弟悉梟首車裂取其黨與數萬人其年朱熒  
管崇亦於是郡擁衆反此後群盜屯聚剽略郡  
縣屍橫草野道路不通勅使人皆步步夜行  
唐德宗貞元十九年三月熒惑入南斗色如血  
占曰斗吳越分色如血者旱妖也是年旱揚州  
運河竭京師民困憲宗元和元年十月太白  
入南斗十二月復犯之占曰斗吳分也是年浙  
運連大疫死者太半次年春自劔南至浙西大  
疫元仁宗延祐三年十月甲申太白犯斗次  
年揚州火燬官民廬舍二萬三千三百餘區  
順帝至正十四年六月甲辰大陰入斗宿南第  
一星是年張士誠攻揚州達識帖睦爾兵敗  
牽牛婺女占驗漢景帝元年正月癸酉金水合  
於婺女占曰為變謀為兵憂婺  
女粵也後吳楚反吳王敗走越越殺之明帝  
永平九年正月戊申客星出牽牛長八尺牽牛

主吳越後廣陵王荆與沈涼謀逆事覺自殺  
章帝建初元年八月庚寅彗星出天市長二尺  
所稍行入牽牛三度積四十日稍滅彗星出天  
市為外軍牽牛為吳越是時蠻夷陳縱等及哀  
牢王類反 晉懷帝永嘉六年七月熒惑歲星  
太白聚牛女之間徘徊進退占曰牛女揚州分  
是後兩都傾覆而元帝中興揚土 簡文帝咸  
安二年正月己酉歲星犯填星在須女占曰為  
內亂七月帝崩桓溫擅權謀殺中侍王坦之等  
內亂之應 哀帝興寧元年十月景戌月奄太  
白在須女占曰天下靡敗一曰災在揚州三年  
洛陽沒其後桓溫傾揚州資實北討敗績死亡  
太半及征素真淮南殘破後慕容暉及苻堅互  
來侵境 安帝隆安四年正月乙亥月犯填星  
在牽牛占曰吳越有兵喪女主憂六月乙未月  
又犯填星在牽牛十月乙未月奄歲星在北河  
古曰為飢吳有兵其四年五月孫恩破會稽殺  
內史謝琰後又破高雅之於餘姚死者十七八

七月太和太后李氏崩元興元年孫恩寇臨海  
人眾餓死散亡殆盡 元武宗至大元年二月  
甲寅太陰犯牛距星是年兩浙  
民飢者四十萬戶死者甚眾

### 熒惑占法

史記天官書云凡月食熒惑主亂又  
云歲星與熒惑合則為飢為旱謂火

焚木也熒惑與太白合則為喪不可舉事用火  
謂火爍金也與填合則為憂主孽卿謂土耗火  
也與辰合則為北軍用兵舉事大敗謂水淬火  
也與辰闔為戰兵內亂謂水火相薄也又前漢  
天文志云熒惑南方夏火禮也視也禮虧視失  
逆夏令傷火氣罰見熒惑逆行一舍二舍為不  
祥居之三月國有殃五月受兵七月國半亡地  
九月地太半亡因與俱出入國絕祀熒惑為亂  
為賊為疾為喪為飢為兵所居之宿國受殃殃  
還至者雖大當小居之久殃乃至者當小反大巴  
去復還居之若居之而角者若動者繞環之及  
乍前乍後乍左乍右殃愈甚一曰熒惑出則有

大兵入則兵散周還止息乃為其死喪寇亂在其野者亡地以戰不勝東行疾則兵聚于東方西行疾則兵聚于西方其南為丈夫喪北為女子喪熒惑天子理也故曰雖有明天子必視熒惑所占驗魏明帝青龍二年二月己未太白犯在諸葛亮據渭南吳亦起兵應之魏東西奔命晉安帝元興二年十一月辛巳月犯熒惑占曰為飢吳有兵二年十二月桓玄篡位放遷帝后於尋陽以永安何皇后為陵君三年二月劉裕盡誅桓氏

**衡占法**

史記天官書云月五星順入軌道司其出入由軌道而行視其出所守何星則天子之所誅也如守筐衛之東則誅相守筐衛之西則誅將守南四星則誅執法守內六星則誅諸侯之類是也又云其逆入若不軌道以所犯名之中

漢書卷之三

六

何真判

坐成形皆群下不從謀也金火尤甚謂居其宿口守自下往觸之曰犯月與五星若以逆而入及不由軌道而行則名之曰犯不得復稱守矣犯則其情逆故為下謀上之兆中坐成形者本注謂犯帝坐則禍福之形見如月五星犯將則將將為逆犯至中坐而逆形見月五星犯相則相將為亂犯至中坐而亂形見也金火尤甚者金為太白太白主兵火為熒惑熒惑為亂賊故禍尤烈也

**權占法**

史記天官書云月五星守犯者如衡占謂如月五星守女主則天子誅女主月五星犯女主則女主謀天子之類

**朱鳥**

史記天官書云柳為鳥喙主木草七星頸為員官主急事張喙為厨主觴客翼為羽

翻主  
遠客

形勝

北抵江淮東連海道

圖經

大江橫其北太湖處其東南

北眺維揚南挹姑蘇東窺海虞西眄京口一方之

大觀列郡之雄勝

君山記

峯巒起伏東西連亘

淮颿海泊千百相銜長江接天不可涯涘

並浮遠堂記

與通泰對岸路達錢塘以東則海以南則控引蘇

湖是為西浙之門戶

宋呂社奏議

自今觀之江陰之勝以江君山為鎮其脉從天

目而來隆隆然隱起平疇橫枕大江之濱邑中

諸山四面皆拱分流為川黃田闌水流入城中

聒聒播播終古而不息山之顛南隅宋建浮圖

七級其高造太清直對水口當是時也山之勝

益倍塔今已廢山人掘土得塔磚年號具在

至正

癸未四望為寬閒之野平盈旋緣紆徐夷延林麓

蒼蒼連亘不絕登高而眺邑大夫之居萬室之

井咸在目睫與前傳記所載大略相似云

疆域

民之聚也域民必以其界而書其至到焉以見幅員之廣狹知其數而租庸之出可稽矣

宋軍東西相距一百三十五里南北相距七十二里元州東西一百四十里南北一百里 國朝龍鳳間建州如宋軍之數洪武二年改州為縣以泰興之馬馱沙來屬于是東西一百七十里南北一百四十四里東九十里至顧山抵常熟縣境西二百三十五里至固山缺抵武進縣境南五十四里至

馬鎮抵無錫縣境北九十里至如臯縣境石莊此江陰四達止也東南抵無錫縣境一百四十五里為漕湖西南抵武進無錫境七十里為龍窟塘東北抵通州境一百五十里為段山洪西北抵泰興縣境八十里為小穆港此江陰四隅止也江陰東西南皆壤地北則盡為江面而中包馬馱浮山諸沙成化七年分馬馱為靖江縣而江遂中分矣北京水路三千二百七十七里陸路二千九百七十里 南京水路四百五十里陸路四百五十里



坊鄉

宋以附治地為南北廂統九坊以郭外地為十七

鄉統五十五里 國朝鄉統都都統圖如宋制南

北廂易為坊鄉十有七都五十圖三百七十四坊

三折為九鄉曰永陵 東界去縣三十里 西界去縣六十里 統都三都

統圖十四 第一都圖四地名陳墅徐墅繆莊丁墅 曹莊東奚墅西奚墅朱莊第二都圖四

地名橫擔村鍾窰村石莊支區村第三都圖六地名蘆墩村五斗村後栗村吳墅官莊大坎小坎

曰良信 東界去縣三十里 西界去縣六十里 統都四都統圖三十四 第

都圖七地名劉墅常塾村江墅仇莊韓家匯後區 村前栗村北湖黃墅炎莊西小湖村五都圖九地

江陰縣志卷之二

九

何鈿

名鮑莊墓東村常澤村前楊村觀巷南秋村敦莊 西觀村六都圖十地名沙田岸後梅村肥常村雙

橋村橫塘七都圖四 地名譚莊辛莊扈莊 曰來春 東界去縣一十里 西界去縣三十五里

統都三都統圖十九 第八都圖六地名高莊嚴村 張家村曹家村西賽朱家灣

東賽塘頭村蕩里榨頭村牌頭村虞門村曹家太 九都圖七地名邵家圩橫塘史巷何巷繆莊橋李

莊黃村道士灣觀山門十都圖六地名盧崎村陶 灣村焦山村觀莊夏店村茶埼村鮑莊邵莊黃莊

蔣家村 高灣村 曰順化 界縣東隅北隅西 隅延遠以附郭 統都四都統圖

二十四 第十一都圖十地名徐村顏村後花村孟 濟村曹家大袁村十二都圖五地名新村

姚家蕩余家橋聖火墩村任家橋十三都圖六地名古鎮尖家橋馬聖鱗魚港上大賽里蘇家大王

橋村伍相廟橋陸家大雙牌村西黃岐繆家車里 果園里十四都圖三地名秦涇橋白沙里張家蕩

孫保 曰昭聞 西界附東郭東界 統都三都統圖二

十四 第十五都圖十地名女山灣東黃岐唐村尤

亭街周家場曹家村尼巷十六都圖六地名卜家

橋趙村石塘橋朱村蔡村鄭家寨十七都圖八地

名崇橋村駱駝橋陳莊查墓村胡家巷 曰鳳戈 北

毛莊黃村季莊定山彎東莊高宗唐橋 曰鳳戈 界

去縣二十里南界 統都三都統圖十五 第十八都

去縣三十五里 統都三都統圖十五 圖六地名

龔家渙李莊黃土村戴莊顧村焦家村輝墩權墩

橋十九都圖四地名花塘村上村新橋村諸城塘

悟空村葛蒲濼二十都圖五地名吳鈞塘 曰太寧

瀟陂塘釣臺村團塘村廖莊新村義城村 曰太寧

北界去縣一里 統都四都統圖二十七 第二十二

南去縣三十里 統都四都統圖二十七 都圖六地

名雙橋村連州村山下村善村趙村二十二都圖

四地名馮涇村謝園月城橋東二十三都圖十二

地名馬涇村橫塘涇後城村淨寺莊顧家大後舍

村三里店磨盤墩青山村胡橋村二十四都圖五

地名白岸里曹 曰青暘 北界去縣二十里南 統都

橋村九里村 曰青暘 界去縣四十五里 統都

四都統圖二十二 第二十五都圖十三地名善林黃

鴨蕩莊連墩十七圩後塘村小兆村二十六都圖

六地名漕東村半墩村梅家村道成村新橋村二

十七都圖七地名屠墅九頃圩楊莊邵繆村二十

八都圖六地名鄧陽村路岐村蘆塘村陳舍莊包

墅坊前鄭莊 曰金鳳 北界去縣三十里 統都三都

孔墅周村 曰金鳳 南界去縣五十里 統都三都

統圖二十二 第二十九都圖五地名姚舍村黃塘

村西崎村三十都圖六地名青墩塘蘇墅前馬村

後馬村楊岐黃莊新莊吳莊上廟塘三十一都圖

十一地名百丈村竹村孫墅流 曰長壽 西界去縣

黃東常村繆莊博瀆村須毛村 曰長壽 治三十里

東界去縣 **統都一都統圖八** 第三十二都圖四地名

五十里 **統都一都統圖八** 第三十二都圖四地名

村三十三都圖四地名 **曰清化** 西界去縣四十五

徐村馬墅繆墅羅墩村 **曰清化** 里東去縣五十里

**統都二都統圖十一** 第三十四都圖六地名陳墅張

都圖五地名社頭村北 **曰西順** 西界去縣三十六

劉莊湖塘殷墅蘇墅 **曰西順** 里東去縣五十里

**統都一都統圖十八** 第三十六都圖十地名文林謝

留羅墅塘石堰袁貞里邵莊三十七 **曰東順** 西界

都圖八地名蘇李墅李莊新塘馮塘 **曰東順** 去縣

七十里東界 **統都一都統圖二十六** 第三十八都圖

去縣九十里 **統都一都統圖二十六** 第三十八都圖

村旌節里素莊陳墅湯村羅莊嚴濟橋二十九都

圖十四地名顧山古塘斥岸任墅曹莊盧墅黃墅

歸莊 **曰白鹿** 西界去縣四十里 **統都二都統圖二十**

夏莊 **曰白鹿** 東界去縣九十里 **統都二都統圖二十**

江陰縣志卷之二

十一

子明

**四** 第四十都圖十地名葛墅胡墅婁墅東興村水

秦巷羅莊四十一都圖十地名唐墅袁墅袁塘中村

包巷劉巷景巷長巷塘下村 **曰崇仁** 西界去縣

界去縣 **統都二都統圖十二** 第四十三都圖五地

七十里 **統都二都統圖十二** 第四十三都圖五地

斜塘夏家大四十四都圖七地名 **曰化成** 西界去

水跑村韋巷太平村恩莊坊前 **曰化成** 縣四十

五里東去 **統都三都統圖十五** 第四十五都圖四

縣六十里 **統都三都統圖十五** 第四十五都圖四

蔡港口四十六都圖五地名彭蒿村于莊沙湖莊

石虎門殷巷四十七都圖六地名史村下墅尚村

盧巷辛莊陶城高 **曰寶池** 西界去縣二十里 **統都**

莊李家灣姜家匯 **曰寶池** 東界去縣四十里 **統都**

**三都統圖十三** 第四十八都圖三地名石頭港西

地名繳墩前白豐後白豐公明巷張岐村王灣村

夏場村五十都圖五地名石牌村雷嘴村宦橋村

售山坊曰順化統圖四市河以北東西各附城曰太寧統圖

三自朝宗門至北鎮巷又曰來昭統圖二自車橋至南城

西南以市河為界又自周橋中街抵西城總四境三百七十四里里為

圖圖統於鄉都者三百六十五而在城之九圖雖

立為坊而其實鄉之地也

### 街巷

縣前街又名西橫街縣治南至南街巷五和豐縣

灣街出縣治而西轉至大街悅來坊至春暉門巷

巷察院東巷城隍廟巷楊山人巷觀音中街西橫街

寺巷安利巷貨巷高巷楊家巷卜家巷

折而東至華橋巷六梓潼巷楊家巷南街西橫街

至天慶門東折至市口巷七蔣家巷施家巷東橫

街章橋南至城巷五河南巷拱賢俊街文亨橋南

北鎮巷市口北至中街小巷南鎮巷市口南至朝

石板巷聖母橋東至烈女廟小巷三東門街

劉伶巷真武右巷廻塘堰巷青果巷

春暉門東貢鮮街春暉門北蕭橋南街春暉門過

至伍相廟至朝陽關永安街高橋南至長樂街

橋朝宗門至永利街永利會天慶門過長樂橋澄江門至永寧街澄江橋

澄江街澄江橋關

江陰縣志卷之二

三

方

市鎮

民聚而居交易其所邑中有市

在鎮

外有江下市

在澄江門外宋志云以通黃田港紹熙間商船倭

舶歲嘗輻輳故市大於城闔王荆公詩云黃田港口水如天萬里風檣看買船正謂此也嘉定時高麗日本不至非復曩日然而通泰靖江之貿易者猶翕

集焉 **三义路市**

在春暉門外

**虞門市**

在來春鄉

**利城市**

在良信鄉

古利城址舊經云朱消宅唐至德三年置

**石堰市** **月城橋市**

在太寧鄉

**四河**

**口市**

在青賜鄉

**流黃市** **黃塘市**

並金鳳鄉

**東望橋市** **雲亭市**

**黃村橋市**

並昭關鄉

**楊墅橋市**

在清化鄉

**長涇市** **北角市** **南新橋市**

**角市** **顧山市**

並東順鄉

**築塘市**

在西順鄉

**鹿鄉** **北**

**新橋市** **周莊市**

並化成鄉

鄉落大姓居貨而買者數不

可紀歲季夏一舉者有觀音會市

在乾明廣福寺中吳會金陵淮

楚之商迎期而集居民器用多便之既月而退歲六月十九日以爲節

**市大而形勝**

**會焉則有夏港鎮**

在來春鄉帆檣相屬恒亘數里蓋上游之入于閩越者必經船

馬今利港巡檢司移置于此

**蔡涇鎮**

在太寧鄉蔡涇舖

**申港鎮**

在良信鄉唐永

秦元年置市宋爲申港寨

**蔡涇鎮** **茶村鎮**

並太寧鄉

**青賜鎮**

在青賜鄉舊經

云許青賜所居之地

**華墅鎮**

在清化鄉

**楊舍鎮** **唐墅鎮**

並白鹿鄉

**陳墅**

**鎮**

在東順鄉

**長壽鎮**

在長壽鄉

**石橋鎮**

在化城鄉按十國記年宋代南唐吳越取江陰

寧遠軍石橋寨是也

坊表

坊以表里門也近代科名官爵往往因人而表樹亦以示勸也其殆成周旌別之意乎

大街坊十八悅來坊在縣治前舊名近民坊今廢貞度肅僚二

坊在察院左右恩榮累世大司馬二坊並為徐傳臚坊

弘治壬戌科為三甲進士第一名卞思敏立進士坊成化丙戌科為陳蕙立解元

坊景泰丙子科為徐泰立振肅安撫二坊在巡撫行臺左右進士坊

嘉靖己丑科貢士坊正德庚午科為陳鳳立城隍廟威靈二

坊在城隍廟前延陵書院坊在城隍廟右橋梓傳芳坊為宣德已

延陵縣志卷之二

西

何朝刊

酉科許鳳翔成化萬壽坊在廣福寺前文定坊為宋太師魏國

文定公丘密立按宋史謚文定西橫街坊二進士坊正統乙丑科為卞榮立進士坊景泰甲

杜宥立中街坊九興賢育俊二坊在儒學左右解元坊成化丁酉科為

劉繼父子同榮坊為寺正顧琳舉人顧康立一秋兩京解元坊

景泰丙子科為同年十五舉子坊弘治乙卯科為黃昭徐圭薛球

吳啓徐泰立鄧經卞思敏徐經高賓貢安甫林鶚胡寧道貢斌徐方高貫顧克毅陳瞻立世沐恩榮

坊為推官華旭郎進士坊弘治己未科進士坊成化

坊中華秉彝立

丙戌科為顏瑄立

南街坊四繡衣坊成化二十一年為李琨立春官進士坊成化辛丑

科為中式鴻臚光祿二坊並為劉乾立

鎮巷坊八諭德學士司成三坊並為張家立崇恩坊嘉靖

二十五年巡按御史王言為贈諭德張誥立欽賢坊成化五年建四牌坊北

敦本南曰還淳東曰興廉西曰崇讓方貢坊在御膳廠前雙鳳坊為舉人任溶任

漢立

大巷坊五方伯都憲廷尉三坊並為湯沐立世科坊嘉靖

年知縣張集為丙子科湯銘丙午科湯沐立庚子湯明善復登科樞要坊為兵部郎中張

卷之二

五

何鑄刊

簡立

賢俊街坊十二文亨坊在察院前進士坊五正德十年知縣萬廷

立其一繆煜韓肅宦績蔡庸顏澤陸昌李信其二卞榮陳蘭杜宥嚴萱王誼顏瑄陳蕙華秉彝其三

張晒李琨李參何義曹忠屈霖夏從壽陶廷威其四薛格黃昭湯沐高賓貢安南高貫林鷄其五劉

乾史良佐薛金十思鄉進士坊五正德十年知縣萬玘立其一曹

敏張簡徐慶王瑞之友李敏許士良湯銘沈斯周欽何澄宋珉戈恂黃

衍胡忠許鳳翔王瑾王斌其二任溶任羨陳旦吳啓徐泰朱紳葛暄許芳夏彝劉繼武徐元獻朱昕

吳泰周掖其三徐鼎陸勉吳熙陳哲嚴謨陶檜夏環王格朱景王彬徐圭薛球邵經徐經其四胡寧

道貢斌徐方顧克毅陳瞻徐弘道姚惟實高贊丘煥文王莘蔣舜民孫漢承天秀其五杜宗周鰲劉羽顧康陳鳳姚相曹弘張聚趙欽薛璠陳間周儒

陳賢俊坊

南門外街坊三解元坊

景泰丙子科為吳啓立

繡衣坊

成化十年

為嚴萱立

迎恩坊

在駐節亭前

北門外永寧街坊二永寧坊

江防坊

在演武教場左

橋梁

邑中之橋其在四境者甚衆惟要衝者書之

功細名微不錄也古有名者雖廢猶存云

跨黃田河橋十二潤豐橋

在縣治前宋名今改日和豐

善教橋

在縣治南石建宋名驛橋元改曰善政

文亨橋

在察院前弘治十年知縣

江陰縣志卷之二

共

六溪刊

黃傳石建其路

睢陽橋

在睢陽廟後

坊橋

在都察院東石建

安

利橋

宋名永興石建

華橋

宋時建年邑人張昞倡義重修

周橋

在市口東宋

塘堰之南宋嘉定間建朝宣德間里人張恭彥重修

聖母橋

在市口東宋時石建今呼

杜橋

南水關北宋建橋東舊有杜康宅故名

吳家橋

成化六年里人吳蒙

陳家橋

在駐節亭前石建縣人陳寅世修之故名今呼高橋

跨君山溝橋一永寧橋

在澄江門外正統元年石建

聖

跨壇溝橋一澄江橋

在社稷壇西天順四年石建

跨學前河橋二鴻漸橋

在文亨橋南正德八年知縣萬珙石建

泮橋

見學  
校記



跨雙魚溝橋二魚躍橋在社橋南舊謂有雙巨魚躍水上故名剪金

橋在南街又名太寧橋

跨暨陽河橋四暨陽橋在北城門下今廢虹橋在睢陽廟前一名賓

鴻白虎橋在虹橋北青龍橋在城隍廟前

跨西轉河橋二永安橋在朝宗門外成化十六年邑人徐順石建俗呼為飛

橋在朝天慶門外正德二年知縣劉紘石建

跨東轉河橋一東吊橋正德十年建

跨季家浜橋一獅子橋在朝宗門外

跨橫河橋六堰橋在華橋東宋建章橋在堰橋東宋建蕭橋在春暉門

江陰縣志卷之二

七

外宋名永安橋又名下蕭橋正德間義民陳譜石建伍相廟橋在永安

東南有子胥廟故名弘治間居民湯朴倡義石建

跨太平河橋一貢鮮橋舊名太平橋嘉靖十一年重建

跨售塘河橋一黃崎橋在西黃崎村

跨趙婆港橋二秦涇橋在黃山土橋之南土橋在伍相廟東

跨白沙港橋一白沙橋在白沙村

跨石牌港橋三石牌橋在石牌山南宦家橋在鳳凰山南吳

家橋在真山南

跨菖蒲涇橋一得勝橋在蛟山東弘治間建

跨石頭港橋五大橋

在稷山北石建正德

薛山橋

在石頭港南

公明巷橋

在寶池鄉

原橋本名言橋子游裔孫寓此故名

高宗塘橋

在高宗塘村

跨蔡港橋四北新橋

在化

恩莊橋

在崇仁鄉馬獅橋在清

化鄉嘉靖六年里人吳性以石重建

南新橋

在白鹿鄉

跨千秋河橋一太平橋

在化

跨化成港橋一石橋

在化

跨谷瀆港橋三斜橋

在斜

楊舍橋

在楊舍市嘉靖十四年居民郭

彦榮石建

永興橋

在唐市之北又名黃崎橋

卷之二

六

何滾

跨令節港橋一令節橋

宋

跨長河橋十五廣濟橋

在永利倉東舊名東板橋嘉靖四年知縣張璠石建

改今名東望橋

舊名舖路橋嘉靖十七年重建改今名

綺山橋

在落山

化間里人夏希明石建

駱駝橋

在綺山南宣德間義官夏蒙石建

雲亭橋

在定

山定山橋

在二黃村橋

在黃村南嘉靖二十二年居民曹忻石建景

家橋

在四河口北舊名毛

劉家橋

嘉靖元年

楊家橋

在四河口東

瓠岱橋

在瓠

陸家橋

在順七年

天跨塘橋

在馮塘村又名八字橋正統間建

流塘橋

嘉靖間

三河口橋

在東

跨松橋浜橋一松橋在啓山東正統間建

跨長壽至黃塘河橋七長壽橋宋名景泰間重建黃墅橋

在長壽鄉正統間丁岸橋嘉靖二十二年重建須茅橋在鳳鄉

朱港塘橋在璜塘市嘉靖十年璜塘橋嘉靖十八年

建前馬橋在金鳳鄉嘉靖十八年

跨清溪河橋三薛家橋在薛村後郭橋在砂山西朱公橋

在周莊村

跨太清河橋五華聖橋在華聖鎮嘉靖三年重建喜鵲橋在華聖東

嘉靖三年邑人貢斌石建望湖橋嘉靖二年里人徐應卿建湖塘橋宣德間

江陰縣志卷之二

九

何季刊

繼美 順湖橋嘉靖五年里人

跨直塘河橋六新塘橋在新塘村築塘橋在天順

二年義民徐震建嘉靖十九年里人徐治石建馬鞍橋景泰間直塘橋在

順鄉塘石堰橋在塘石堰村天順二年西楊橋在金鳳鄉

跨東新河橋三北角橋在東順鄉萬歲橋在盧墅南角

橋在南角村

跨舊莊河橋一嚴瀆橋在東順鄉元至正間建

建重

跨湯村河橋一湯村橋在習禮村北

跨馮塘河橋一馮塘橋在馮塘村

跨長涇河橋二興順橋在習禮村西北東新橋在習禮村

禮村義民夏蒙石建

跨習禮河橋一習禮橋在習禮村東南里

跨陳墅河橋一陳墅橋在陳墅村

跨李岸河橋一顧山西橋在顧山鎮

跨倪塘河橋一倪塘橋在東順鄉

跨南新河橋二劉家橋在劉莊南永安橋又名東新

橋景泰間義民宋維吉建

跨馬鎮河橋三馬鎮大橋在金鳳鄉景泰間博瀾

橋在博瀾村塘頭橋在青賜鄉塘頭村

跨淳塘河橋二後淳塘橋在青賜市之南前淳塘橋在屠墅村

跨周港橋一石撞橋在前淳塘橋南

跨九里河橋二潤福橋又名九里橋宋知蕭恩孫

橋在九里河口又名陳鐵橋

跨斜涇橋一楊岸橋在由里山西

跨經河橋四月城橋舊名卧龍正統間巡撫尚青

賜橋在青賜市宋建元至順中南新橋在青賜市南北

新橋 在青陽市北二橋並嘉靖六年知縣張集建

跨張塘河橋一張塘橋

跨塌水港橋一永安橋 在青陽鄉

跨胥溪橋一胥溪橋 在青陽鄉胥村

跨楊淮河橋一黃橋 在青陽鄉西宋名天順五年重建

跨漕港河橋一漕港橋 在 anterior 塘橋西

跨南順塘河橋一萬安橋 在桐嶠村

跨玉瀉河橋一雙廟橋 在青陽鄉

跨馮涇河橋四馮涇橋 在馮涇口 新橋 在新村 蕭埭橋 在蕭村

汪倫縣志卷之二

三

陳刊

村 埭岸橋 在阜岸

跨馬涇河橋一馬涇橋 在馬涇村

跨南山塘河橋二雙橋 天順七年建 張公橋 天順七年建

跨崇溝橋三司徒橋 在黃村俗呼為師姑橋 耿家橋 在耿家村西

茶埭橋 在茶埭村

跨夏港橋四夏港橋 在夏港鎮宋紹定間知縣林庚建長三十有五丈江湖善

崩尋廢 國朝永樂三年居民周道通等重建木橋亦廢今為津渡 柴胡橋 在吳橋

蔡涇橋 在蔡涇舖 龍津橋 在茶村鎮舊名耿莊

跨流皮港橋一馬舍橋 在舖路正德十六年建

跨新溝河橋三世安橋舊名田橋新溝橋在虞門村西又名虞門橋

邵家圩橋在邵圩

跨申港橋二申港橋在申港鎮舊名通濟大軍橋

跨蘆埠港橋一上亭橋在利港橋東

跨利港橋三仇莊橋在良信鄉利城橋在利城鎮鮑莊橋在鮑

莊村

跨桃花港橋二黃土橋在黃土舖嘉靖二十五年縣丞王南山令民陳爵等

重建陸埭橋在黃土橋南今圯

跨利大河橋一西小湖橋在良信鄉炎莊舖

古蹟

往事迹矣何志乎慨往也登九原之阪望西陵之墓田喟然有歎焉之心其感乎是故修

題記殄懼亡也

古城在縣治東北即蕭梁所建今乾明寺巷為古城巷宋葛文康宿演教院詩有云吟懷遠廢城自註云院直古之廢城則自演教抵乾明古城所在

也按宋志云舊經乃以為暨陽城寰宇記云暨陽城即莫城舊唐書地理志江陰暨陽利城三縣

屬常州今江陰西至晉陵九十里東至常熟七十里利城在江陰之西則暨陽當在江陰之東父老

言楊舍舊嘗為縣利城楊舍去江陰東西道里適等則暨陽當是莫城所在不應在乾明寺後固當從葛詩改作古城

夏城在縣西十八里寰宇記名艦浦城陳倪啓徙

江陰治夏浦時所建疑即此城

陶城閭城郭城並在縣東三十里舊傳為南唐時

屯戍之所陶城郭城遺址猶存而陶城為大

東舜城西舜城並在縣東七十里風土記云舜曾

居此黃傳辯曰按陸羽慧山寺記云南朝多以北

山以擬帝舜所耕者由此觀之則東西舜城大小

江陰縣志卷之二

三

何節

蘭陵諸郡皆非江南所有而層見疊出於吳越之墟可見矣袁復按路史曰舜庶子七人圭胡負遂廬蒲衛甄潘饒番傳鄒息有何母轅餘姚上虞濮陽餘虞西虞亡錫巴陵衡山長沙皆其裔也今無錫與江陰接壤舜之庶子散處江南胤息蕃衍即其所居山川多以舜名鄉曰舜鄉田曰舜田井曰舜井是也風土記謂舜嘗居此豈得盡無據乎

盜城據宋志在縣南三十里相傳盜跖曾居此故

名葛勝仲以為道成未知孰是

莫城據宋志在縣東四十里漢莫寵所築捍海賊

翟焉因名

義城在茶鎮之東嵇城在華山之東南黃志云廣

明中盜起詔各處墜落立城集民兵自保城之作  
或以此歟

廢利城縣治在縣西五十里晉元帝即海虞縣北  
境立利城縣以占流徙宋元嘉中遷利城於武進  
之利浦寰宇記云在奉國寺南戰國時築城名若  
溪歷遷改不常今良信鄉有利城鎮疑即縣治所  
在

廢南沙縣治廢海陽縣治廢梁豐縣治今皆莫詳  
所在

熙春園在縣學東今為射圃

漏澤園在黃山之南

郭璞宅寰宇記在黃山北長村

一名長  
屏村

璞本河東

聞喜人晉時為弘農太守因家焉江陰故弘農郡  
也

庾冰宅今為祥符寺冰子希為徐兗二州刺史桓

溫風有司劾之以罪免家于晉陵之暨陽

按輿地  
志云晉

初渡江郭璞為冰筮曰子孫當有大禍唯用三陽  
可以有後冰以語諸子故希求鎮山陽弟友為東  
陽郡冰自於暨陽置宅居焉庾氏竟為桓  
溫所滅希誅後弟友及弟蘊諸子獲全



許青暘宅在青暘鄉舊有許真君廟即其宅真君名遜洪州人嘗宰旌陽聞丹陽有謚毋得孝道明五劍術棄官往學因東遊曲阿曲阿在漢即江陰也但青暘旌陽其音或訛殆不可曉

費衡別業在金鳳鄉慈雲寺即其址今廢

殷昌別墅在青暘鄉之永昌市

張蘊宅在縣東南杜橋之東能仁院即其址今廢

釣魚臺在縣東二十里有石廣一丈三尺風土記

云姜太公望釣魚之所今呼為釣臺村

弩臺在縣西十八里

千人壇在化成鄉

十字碑在申港古篆文孔子所書季子墓銘也曰

嗚呼有吳延陵季子之墓

宋志云崇寧元年常州太守摹而刻之為今石

又云按歐陽文忠公集古錄跋尾云吳季子墓銘自前世相傳以為孔子所書據張從紳記云舊石湮滅開元中玄宗命殷仲容摸榻其書以傳然則開元之前已有本矣至大曆中蕭定又刊于石則轉相傳摸失其真遠矣按孔子平生未嘗至吳以史記世家考之其歷聘諸侯南不逾楚推其歲月蹤跡未嘗過吳不得親銘季子之墓又諸字特大非古簡牘所容第以其名傳之久不可遽廢故錄之以俟博識君子都穆考曰吳延陵季子墓在於常州江陰縣西申浦墓故有碑曰嗚呼有吳延陵

季子之墓自昔相傳以為孔子之筆其大徑尺體勢奇偉攷之唐開元中玄宗命榻其書大曆十四年潤州刺史蕭定重刻石延陵廟中今碑之存者乃宋崇寧二年知常州事朱彥立蓋刻之者屢矣歐陽永叔好集古文其論此碑本之太史公書謂孔子平生未嘗至吳不得親銘季子之墓又謂其字特大非簡牘所容後永叔有趙明誠者錄古金石多至二千而此碑不與遂使好古之士不能不置疑其間穆嘗讀越絕見其中載越王句踐射求賢聖孔子從弟子七十人奉先王雅琴治禮往奏則孔子固嘗歷吳至越其書近古言似非偽豈太史公未之見耶况春秋之時賢如季子固聖人之所與今觀十字之間辭約意博宛然魯史之法有非聖人不能及者蓋不必親登其墓而後表之亦未可知也但觀之筆以竹而紙以代簡則自漢始及觀古法帖亦有是文大不逾寸而多二言庶幾竹簡之書宋黃伯思號稱博物定其非偽今碑字若此豈真是耶抑後人轉相傳摩擴而大之又未

江陰縣志卷之二

三

何明刊

可知也雖然玄宗嘗命榻本則唐以前已有刻石而其來遠矣又豈後人所敢議耶監察御史謝公琛巡歷吳中謂穆吳人頗知稽古命知縣事王君錡俾攷其說遂著之云爾哀今據延陵乘載孔子銘墓之事云周簡王 年孔子因適楚臧舟春申港聞季子墓在於是登岸展墓再拜銘之而去後遂足不履吳國則銘真孔子書也

杜康宅據宋志在縣東南四里承天寺西有杜橋或云寺即其宅寺今廢不可考橋距今南水關內僅數十步

六射塚在縣東北四里舊經云秦王演射處甌人墟在縣西二十里舊經云甌人所居之處宋

志曰魚門村黃志易今名

梁武堰在七里村相傳爲梁武帝所築長廣丈餘  
居民不敢以畚鍤犯之

道成墩在青陽鄉卽許真君修道之所

神堆在縣西南二十里

仙女堆鸚鵡堆並在夏港

石女塚在縣西舊傳梁王女好鼓瑟死葬此

金鵝堆在西順鄉廣二畝舊傳有金鵝翔集其上

赤石亭在縣東三十里或云其地有遊仙塘山上

有周穆王廟乃穆王所遊之地郭璞云赤石山下  
有朱砂

虎跑泉一名玉乳在定山唐法嚮禪師飛錫來此  
有虎馴伏跑地得泉故名

放生池在縣東三十五里所謂繳湖是也水四周  
環繞旁有一石形如獸紹興十六年詔立池名

鑄鑪所在青山宋志云于將鑄鑪九所

石筏在真山筏長六十步秦始皇欲以浮海亦曰  
筏梁面平數丈懸江流中水漲不沒涸亦不高隨

水上下故又名石牌山

石室在黃山頂吳時烽火之所

石虎在石橋東有石如虎相傳王氏開酷每夜亡

酒道人過之曰山際有石如虎為祟鑿其足祟果

息

石鼓在縣東四十里

金鵝石在沙山山頂列阜三十有三中有一石廣

五尺許相傳嘗有金鵝止其上足跡隱隱猶存

紹興新創放生池碑記

皇帝即位之二十載四方清夷文修武偃曠典

蘇礪

卷之二

天

齊

逸章莫不以次蒐舉惟聖惟賢心協德一相與  
追還隆古之盛猗歟躋哉迺春正月有旨天下  
郡置放生池廣周天之澤從有請也臣謹按易  
之無妄曰先王以茂對時育萬物中孚之彖曰  
信及豚魚夫子繫其辭曰天地之大德曰生然  
則生生之德其大矣乎故前代帝王致治隆平  
享國長久是必有仁民愛物之道可以懷服天  
下衣被萬物者唐虞之際草木鳥獸各有攸職  
伊尹稱夏先后魚鼈咸若文王作靈沼德及昆  
蟲其深仁厚澤滲漉海內殆與天地同功窮幽  
及遠靡不咸暨推此心以愛養生民則溥率之  
間奚有天闕夫寧之患者哉且一草木昆蟲之  
細宜若未足加意聖人勤勤於此欲生之而不  
使失性者何耶蓋人君操利勢御人群一語默  
之間生殺繫焉故敦仁博愛之念積諸中則其  
福實被于天下若伐一草木殺一昆蟲不以為  
戒致其大則未有不至於拂民情而貽窮黷之  
悔者是以天乙之興羅去三面諸侯歸其至德

成周之時行葦不踐詩人美其忠厚其旨深矣  
主上天覆地載海涵春育遠人格邇人安萬機  
之暇玩意墳索而帝學高妙探索易道尤盡其  
蘊是能配乾坤至大之德體神武不殺之義好  
生流惠異世同符可謂德洽民心而恩被動植  
者矣臣代匱守符仰承德意敢不祗若明天子  
之命江陰距城三十五里有繳墩焉考之圖牒  
不載所自地勢爽塏其形蟠植若偃蓋然流水  
回環有茂林修竹蔭映於其上廣闊靜深魚鳥  
是宅不勞跡築宛然天成若有俟於今日者臣  
廼布宣惠化告諭農老設網罟不入之禁而水  
陸之居得以生息茂遂其皇明之所燭慈愛之  
所被顧不深且遠哉自唐肅宗置天下放生池  
八十一所昇州刺史顏真卿以文學名世撰述  
其碑請御書題額以光揚不朽顧臣何人而敢  
追躅然作為歌詩歸美報上此臣子之大義有  
不可以蕪累辭謹齋心滌慮再拜稽首而銘之  
以詩曰於鑠炎宋文昭武烈奄有四方載垂二

江陰縣志卷之二

元

六節刊

百天子明聖再造丕基輔贊彌縫時惟帝師措  
安天下混一南北推此皇慈仁民愛物仁民伊何兵  
寢不試愛物伊何蕃殖庶類惡殺好生恩霑動植忠  
厚之政光于簡冊迺布睿旨徧爾寰宇濬彼陂  
池廣育鱗羽長江之陰地號繳墩流水四環魚  
龍之困以流惠澤以途生息水居陸居安知帝  
力堯舜而上德施溥博草木昆蟲罔不蒙福鳥  
獸咸若夏后致平靈沼是營周文以寧馮惟國  
家超軼前後凡在覆幬畢臻仁壽歸美  
君上臣子之義稽首勒銘以詔萬世

盜城詩

宋袁默

勝母不寓參朝歌不留墨初無實患禍事以虛  
名得蘭陵東鄉魯昧此殊未識盜跖昔橫行九  
州皆反側嘗所休憩地惡聲今未極一夫肆無  
良千載名以賊儒生始發家志氣不自力一朝  
處富貴養交偷祿食此而不云盜吾故未免感  
當知跖死時一笑無漸色至今荒城下尚有狐  
兔匿

釣魚臺詩

宋素然

將相寧有種屠狗飯牛皆可用富貴出長年勿謂暮涂吾倒行先君太公望久矣日老渭陽心以此君臣相得漁獵間廓清八表功名起真鼎扶周卜世長洋洋齊封二千里曹公黃相俱塵埃至今猶有釣魚臺苔侵石剝夕陽裏衮衮寒江湖去來

夫子篆

宋梅堯臣

季子墓傍碑古稱尼父篆始沿春秋義十字固莫刻磨敲任牧童侵剝因野藪嗟爾後之人萬言書不淺

道成墩詩

宋葛勝仲

脩脩一羽翁奇骨兩目方乃以貧自樂餐霞辟穀腸混世人莫識結茅居僻荒一墩僅十畝培塿萃彼疆惠峯作南屏泰壑橫北墻隱此不記年悟仙號青陽翩然仙道成陟墩神遠翔指墩名道成人以許仙揚豈無緱山人吹笙雲錦蒙今感去千年歸來賦歌章青陽得仙去千古傳

龍巖志卷之二

三

子精刊

此鄉訛而為柳跡吳魯路渺茫柳為橫行盜安肯城此旁不知何愚人魚魯昧審詳至今傳名誤使志乘其將吾為正斯繆百世流餘芳

石女塚詩

宋素然

君不見見湘江不流湘水清悲風愁雨能無情靈妃寶瑟聲未絕九疑雲鎖蒼梧深又不見霸陵路入新豐道顧念邯鄲意悽惱夫人鼓瑟君為歌北山為椁吾將老古來死者不勝計歷歷道傍猶可記人言梁女好鼓琴琴心未許人知音高山流水聲已虛想像當時足幽思九原可作誰與歸秋風蕭蕭草萋萋丘墟之下多狐狸

虎跑泉詩

宋楊端叔

蒼髯白甲深山龍山門高高龍所宮清苔天橋絕可喜蒲地狼籍拋頑銅於菟殷勤水供養道人回施無盡藏匏樽一滴到陶泓灘聲浩浩西山張

又

宋揚蟾

天藏物啓有靈根玉乳銀漿豈易分淨鑑當空

寒自照流珠落澗遠先聞潤生冉冉雙林雨香  
出濛濛一井雲今日石魚行酒地次山重爲勒

銘文

又

李喬

虎丘巖畔識泉根股引瓊腴此處分品絕未應  
容易得地靈難使等閑聞聲寒夜雜林間籟氣  
潤朝隨谷口雲十和清篇盈麗軸強牽已句不  
成文

又

宋張彥卿

乳泉發穴滿巖根亂石成池溜始分鴻漸當時  
高品第虎跑今日信傳聞山僧勺供疑甘露野  
史烹茶勝白雲應是靈源遲出地不然須冠季

御文

又

宋錢曠

虎攫靈泉發地根傳疑傳信事難分深涵月影  
千尋透溜作溪聲一帶聞流迸石渠珠若露眞  
濛竹徑氣如雲公餘共酌醍醐味應想於菟乳  
子文

卷之二

三

終

又

袁默

靈液何年綻石根山枝一脉爪形分浮沙影動  
空中見漱玉聲寒靜處聞有用謾滋春猷稼無  
情長浸曉岩雲今朝美味方逢鑿定向前經補

缺文

又

沈周

定山有古寺廢址垂千秋昔人去云遠虎跑泉  
尚流緬懷宋先哲結亭泉上頭有美稚川孫葺  
復道前修時來曉泉鳴憂擊鏘琳瑯下闕一泓  
碧心境同悠悠返本當還源樂哉在斯丘天地  
猶傳舍日月無停輶願言亭不壞永鎮茲山陬

災祥

異何以書言乎變也變有大小希稠史必有  
占慎之也言思其故而天人之道粲然見矣

晉武帝太康七年十二月己亥毗陵雷電南沙司

鹽都尉戴亮以聞

見晉書五行志南沙鹽署在暨陽

永昌中暨陽

人任谷因耕息於樹下忽有一人著羽衣就搖之

既而不知所在谷遂有娠積月將產羽衣人復來

以刀穿其陰下出一蛇子便去谷遂成宦者後詣

闕上書自云有道術帝留谷于宮中郭璞上疏切

諫不聽其後帝崩谷因亡走

晉書郭璞傳璞疏略曰臣聞為國以禮正

不聞以奇邪所聽惟人故神降之周禮奇服惟人不入宮况谷妖詭恠人之甚者而登講肄之堂密

邇殿省之側塵黥日月穢亂天德臣竊不取也陛下若以谷信為神靈所憑者則應敬而遠之若以

谷為妖蠱詐妄者則當投畀裔土若以谷或是神祇告譴為國作青者則當克已修禮以弭其妖不宜令谷安然自容肆其邪變也臣愚以為陰陽陶烝變化萬端亦是狐狸魍魎憑假作惡願陛下採臣愚懷特遣谷出

元帝大興元年晉陵地震成帝咸康五

可女名也

年二

年四月下邳民王和僑居暨陽息女可

十自云上天來還得徵瑞印綬當毋天下晉陵太守以為妖收付獄至十一月有人持柘杖絳衣詣

上車門口列為聖人使求見天子門候受辭辭稱

姓呂名賜其言王和女可右足下有七星星皆有

毛長七寸天令可命為天下母奏聞即伏誅并下



晉陵誅可

出晉書五行志

帝奕太和六年六月晉陵大水

稻稼蕩沒黎庶饑饉

安帝隆安初輔國將軍孫

無終家于暨陽地中聞犬子聲尋而地坼有二犬

子皆白色一雄一雌取而養之皆死後無終為桓

玄誅滅按尸子曰地中有犬名曰地狼夏鼎志曰

掘地得犬名曰賈此蓋自然之物不應出而出為

犬過也 後廢帝元徽中暨陽縣女人於黃山穴

中得二卵如斗大剖視有人形

已上俱見晉書五行志

南朝魚子英於芙蓉湖捕魚得赤鯉持歸以穀養

江陰縣志卷之二

三三

陳和

一年化為龍

南宋文帝元嘉七年十二月晉陵義興大水

見郡志

陳太建四年江水赤如血

禎明中江水赤自方

州東至海

唐永徽元年六月常州大雨水有溺死者

見唐書

武

氏延載元年四月壬戌常州地震 大足元年七

月乙亥常州地震

元和十一年六月常州水害

稼

南唐昇元二年六月常州大雨漲州

見郡志

宋太平興國七年常州水害稼 天禧二年二月

江陰軍蝻蟲生 治平五年水 政和五年八月

常州水 政和五年主簿俞光祖於官倉獲一烏雞

全體潔素而喙目脛掌俱紅蔣公靜奉祠里居撰

政和聖德致瑞烏賦進之 已上俱見宋志黃志云

宗昏惑無道德幸充朝群闖煽震賢人故老多至

排擯童貫開邊挑怒強胡西北騷然朱勔父子以

花石綱荼毒天下而東南蒙禍尤烈國勢凜凜僅

同累棊政使有鳳凰巢於阿閣麒麟遊於郊藪祗

足為凶妖耳靜也里居觀民艱誠有愛君憂國之

心正當述錄所見如韓富諸公罷政居路故事萬

一感悟主心則善矣顧乃紹興五年八月常州江

賦一烏雞以進果何為耶

江陰縣志卷之二

五

資

陰水 隆興二年七月常州大水壞田廬舟行屢

市累日人溺死甚眾越月積陰苦雨水患益甚

乾道元年六月常州水壞圩田 六年秋浙西江

東螟蟲為害 紹熙五年常州江陰大旱饑食草

木 慶元元年春常州饑民死徙者眾詔免本州

及江陰軍夏賦且賑之粟 六年常州大旱水竭

民饑仰哺者六十萬人江陰軍亦乏食 開禧三

年夏秋大蝗群飛蔽天浙西郡縣首種不入或種

豆粟皆既于蝗 十六年五月常州大水 嘉定

十一年常州江陰旱蔬麥皆枯

已上雜見宋史及郡志

元至元二十七年五月江陰州大水

見元史五行志

大德

四年秋七月颶風水暴溢江陰尤甚民胥漂溺

見梧

溪集

至順元年閏七月常州路水没民田

至正十

五年十月六日近地起白虹是日未午江陰州城

陷

見梧溪集

至正辛卯春未寧鄉陸氏家一豬產十四

雛內一雛豬身而頭面手足俱如人

見輟耕錄

國朝洪武二十年常州旱 二十五年常州旱

二十九年夏常州大旱水竭禾槁死 永樂三年

常州大水 宣德九年常州旱民饑官賑之粟

正統三年旱

江陰免糧四百六十七石

五年旱

江陰免糧一萬一百四十九石

八年常州夏旱秋大水巡撫侍郎周公忱以聞詔

免田租十萬五千餘石

江陰免租一萬六千九百六十九石

十二年

江陰旱 景泰四年十二月常州大雪水冰 五

年正月常州大雪平地深三尺五月常州大水傷

稼民荐饑詔有司勸分以賑贍之

江陰免租六千八百石有奇

六年夏常州旱蝗監察御史楊貢奏免夏租十五

萬三千餘石秋租二十三萬六千餘石

江陰免租四萬七千

四百五十七年常州旱荒免田租二十七萬六千餘

石江陰免租五萬一天順四年常州水免田租十

六萬七千餘石江陰免租一萬三千七年常州水

免田租有差江陰免租三千成化元年水江陰免

萬二千六百二十二年水江陰免麥一萬二四年六月常

州旱水涸運河幾絕流命廷臣按視免田租之被

災者江陰免租七七年水旱江陰免麥五千八十

百六十八年水江陰免米二萬三九年水江陰免

九百七十三年水江陰免麥一萬六十七年常州

春夏亢旱秋大水平地汎溢滄沒田疇壞民廬舍

人多溺死是歲大侵民用存饑明年春官為賑濟

江陰免租四千十八年旱江陰免麥八千二十一

年旱江陰免糧三萬二十三年旱江陰免糧二萬

三弘治三年由里定綺諸山崩泉湧是秋九月大

魚出江濬長十餘丈身橫蒼鬣不動衆割其肉皆

純膏取以照夜未幾潮大至魚復流去十八年

旱免糧三萬三千七正德元年旱免糧三萬八千

有三年旱免糧一萬九千六五年夏大水浸淫三

奇

月自茶鎮西至無錫武進界爨烟幾絕 六年夏

疫 七年秋海潮溢 十年大水 免糧三千五十  
六石四斗有奇

十三年大水 免糧二萬二千二  
百四十二石有奇 十四年大水 免糧  
四萬

四千一百四  
十三石有奇 正月地震有聲如雷居廬舍動搖

十五年冬麥抱穗而華 嘉靖二年饑 三年二

月辛亥地震 五年二月雨大作壞民圩坦二麥

盡死 七年十月庚戌地震 八年六月蝗飛自

西北蔽天禾半壞 十一年五月蝗飛自西北蔽

天林竹岸草皆殘食 十五年四月壬寅雨雹平

江陰縣志卷之二

三

陳村刊

地積寸餘二麥死 二十三年大旱 二十四年

大旱 二十五年大旱



提封記第二上

江陰縣志卷之二